

digne perferas, et ad vitam pervenias sempiternam.  
Per Christum Dominum nostrum. R. Amen.

Deinde subiungit:

Et ego, ex facultate mihi concessa, recipio te  
(vel vos) ad participationem omnium bonorum spi-  
ritualium, quae per sanctae Sedis Apostolicae privi-  
legium huic sancto scapulari in gratiam Congrega-  
tionis Missionis concessa sunt. In nomine Patris, et  
Filii †, et Spiritus Sancti. R. Amen.

Denique dicatur trina vice versiculus sequens:

Te ergo, quae sumus, tuis famulis subveni, quos  
pretioso Sanguine redemisti.

Ritus benedicendi et imponendi scapulare ceruleum  
in honorem Conceptionis  
beatae Mariae Virginis immaculatae.

(Proprius Cleric. Regul. Theatinorum).

Qui suscepturus est scapulare, genuflectat, et sacerdos  
superpelliceo et stola alba indutus, capite detecto, dicat  
absolute:

¶. Adiutorium.... R. Qui fecit....

¶. Dominus vobiscum. R. Et cum spiritu tuo.

OREMUS. — Domine Iesu Christe, qui tegumen  
nostrae mortalitatis induere dignatus es, tuae largi-  
tatis clementiam humiliter imploramus, ut hoc genus  
vestimenti, quod in honorem et memoriam Concep-  
tionis beatae Mariae Virginis immaculatae, necnon  
ut illo induiti exorent in hominum pravorum morum  
reformationem, institutum fuit, benedictus cere digni-  
ris, ut hic famulus tuus, qui eo usus fuerit (vel haec

haec famula tua, quae eo usa fuerit; si plures su-  
cepturi sint, dicatur: hi famuli tui, qui eo usi fue-  
rint, vel hae famulae tuae, quae eo usae fuerint),  
eadem beata Maria Virgine intercedente, te quoque  
induere mereatur (vel mereantur). Qui vivis et regnas  
in saecula saeculorum. R. Amen.

Postea sacerdos, nihil dicendo, aspergit scapulare vel  
scapularia aqua benedicta, deinde illud imponit dicens:

Accipe, frater (vel soror), scapulare Conceptionis  
B. Mariae Virg. immaculatae, ut, ea intercedente, ve-  
terem hominem exutus (vel exuta), et ab omni pecca-  
torum inquinamento mundatus (vel mundata), ipsum  
perferas sine macula, et ad vitam pervenias sempiter-  
nam. Per Christum Dominum nostrum. R. Amen.

Postea subiungit:

Et ego, ex facultate mihi concessa, recipio te  
(vel vos) ad participationem omnium bonorum spi-  
ritualium, quae in Clericorum Regularium Congre-  
gatione ex gratia Dei fiunt, et quae per sanctae Sedis  
Apostolicae privilegium concessa sunt. In nomine  
Patris, et Filii †, et Spiritus Sancti. R. Amen.

Describat nomen eius (vel nomina eorum) in libro con-  
sueto, et dicat trina vice, flexis genibus, Orationem sequen-  
tem vulgari sermone una cum adscripto (vel adscriptis):

Laudes ac gratiae sint omni momento sanctissimo ac divinissimo Sacramento. — Et benedicta sit  
sancta et immaculata Conceptio beatae Virginis Ma-  
riae, Matris Dei.

Hortetur fideles, ut haec elogia saepius repetant ad in-  
dulgentias consequendas.

Benedictio et impositio  
Cincturae Beatae Mariae Virginis.

(*Propria Ordinis Eremitarum S. Augustini*).

Sacerdos superpelliceo ac stola alba indutus, dicat:  
℣. Adiutorium nostrum in nomine Domini.  
℟. Qui fecit coelum et terram.  
℣. Domine exaudi orationem meam.  
℟. Et clamor meus ad te veniat.  
℣. Dominus vobiscum. ℟. Et cum spiritu tuo.

OREMUS. — Omnipotens et misericors Deus, qui peccatoribus, pietatis tuae misericordiam quaerentibus, veniam et misericordiam tribuis: oramus clementiam tuam; ut hanc corrigiam bene + dicere, et sanctificare digneris, ut omnis persona, quae pro peccatis suis illa praecincta fuerit, atque eam portaverit, gratam tibi continentiam, mandatorumque tuorum obedientiam servet, et intercedentibus beata Maria semper Virgine, ac sanctis Augustino et Monica, veniam peccatorum suorum obtineat, et vitam consequatur aeternam. Per Christum Dominum nostrum. ℟. Amen.

OREMUS. — Précamur te, Domine sancte, Pater omnipotens, aeterne Deus: ut hanc corrigiam in signum puritatis bene + dicas, ad restringendos lumbos et renes, et voluntatem sub tua lege comprehendam; ut quicumque illam devotionis studio semper portaverit, et misericordiam tuam imploraverit, veniam et indulgentiam tuae sanctissimae misericor-

iae consequatur. Per Christum Dominum nostrum.  
℟. Amen.

Benedictio Coronae.

OREMUS. — Domine Iesu Christe, qui discipulos tuos orare docuisti: suscipe, quae sumus, bene + dico orationes famulorum, familiarumque tuarum; ut illorum oratio a te semper incipiat, et per te copta finiatur. Qui vivis. ℟. Amen.

Benedictio personae.

OREMUS. — Adesto, Domine, supplicationibus nostris: ut hic famulus tuus (*vel* haec famula tua), cui in tuo sanctissimo nomine hanc corrigiam imponimus, te largiente semper devote in sancta religione persistat. Per Christum Dominum nostrum. ℟. Amen.

Deinde ipsam asperget aqua benedicta.

Postea eam cingens corrigia, dicat:

Accipe corrigiam super lumbos tuos: ut sint lumbi tui praecincti, in signum temperantiae et castitatis. In nomine Patris, et Filii +, et Spiritus Sancti. Amen.

Deinde dicat sacerdos:

Dominus qui coepit in vobis opus bonum, et ipse perficiat: et augmentum gratiae et gloriae, meritis beatae Mariae semper Virginis, et sancti Augustini, eiusque devotissimae matris Monicæ, vobis concedat. Amen.

Et ego auctoritate qua fungor, indultoque Apostolico mihi commisso, vos recipio, atque accepto:

et participes omnium honorum, quae fiunt per totum Ordinem sancti Augustini, constituo.

Benedictio Dei omnipotentis, Patris, et Filii †, et Spiritus Sancti, descendat super vos, et maneat semper. R. Amen.

**Benedictio Chordae S. Francisci Assisiensis.**

(*Propria Ordinis Minorum Conventualium*).

Sacerdos indutus superpelliceo ac stola alba dicat:  
¶. Adiutorium nostrum in nomine Domini,  
R. Qui fecit coelum et terram.  
¶. Ora pro nobis, beate Pater Francisce,  
R. Ut digni efficiamur promissionibus Christi.  
¶. Domine, exaudi orationem meam,  
R. Et clamor meus ad te veniat.  
¶. Dominus vobiscum, R. Et cum spiritu tuo.

**OREMUS.** — Deus, qui, ut servum redimeres, Filium tuum per manus impiorum ligari voluisti: bene † dic, quaesumus, funem istum, et praesta, ut famulus tuus, qui (*vel* famula tua, quae) eo velut ligamine poenitentiali sui corporis cingetur, vinculorum eiusdem Domini nostri Iesu Christi perpetuo memor existat, et in ordine, quem assumpsit, perenniter perseveret, tuisque cum affectu semper obsequiis se alligatum (*vel* alligatum) esse cognoscat. Per Dominum nostrum Iesum Christum etc. R. Amen.

**OREMUS.** — Omnipotens sempiterne Deus, qui omnibus peccatoribus quaerentibus veniam et misericordiam, quaesita et optata misericorditer tribuisti: ora-

mus immensam clementiam tuam, ut has chordas (*vel* hanc chordam) benedicere † et sanctificare digneris; ut quicumque iis (*vel* ea) pro peccatis suis cincti fuerint (*vel* cinctus fuerit) et clementiam tuam imploraverint (*vel* imploraverit), meritis et intercesione beatissimi servi tui Francisci veniam et indulgentiam suorum peccatorum, fructumque tuae sanctae misericordiae consequantur (*vel* consequatur). Per Christum Dominum nostrum. R. Amen.

Deinde aspergantur aqua benedicta; mox sacerdos cingendo confratrem chorda, dicat:

Accipe chordam super lumbos tuos: ut sint lumbi tui praecincti in signum castitatis. In nomine Patris, et Filii †, et Spiritus Sancti. R. Amen.

**Formula benedicendi et imponendi quinque scapularia, scilicet Ord. SS. Trinitatis, Passionis D. N. I. C., B. M. V. de monte Carmelo, Immaculatae Conceptionis, et septem Dolorum B. M. V. approbata a Leone PP. XIII, die 29 Jul. 1886 (v. s. part. II. pag. 107).**

(*Pro Sacerdotibus Cong. SS. Redemptoris*).

¶. Adiutorium nostrum in nomine Domini.  
R. Qui fecit coelum et terram.  
¶. Domine, exaudi, etc. R. Et clamor meus, etc.  
¶. Dominus vobiscum. R. Et cum spiritu tuo.

**OREMUS.** — Domine Iesu Christe, omnium caput fidelium, et humani generis Salvator, qui tegumen nostraræ mortalitatis induere dignatus es: obsecramus immensam largitatis tuae abundantiam, ut indumenta haec in obsequium SS. Trinitatis instituta

nec non in honorem et memoriam dolorosissimae Passionis tuae, in honorem beatissimae Virginis Matris tuae sine labe conceptae, doloresque tuos ac vices peramanter dolentis (et Carmeli Ordinem suo patrocinio decorantis) ita bene † dicere et sancti † dicare digneris, ut qui (*vel* quae) ea assumpserint, eadem Genitrice tua intercedente, te quoque Salvatorem nostrum, corpore et anima induere mereantur. Qui vivis et regnas in saecula saeculorum. R. Amen.

(Sacerdos aspergat aqua benedicta).

MODUS INDUENDI.

Sacerdos omnibus scapularia singillatim imponat, ac deinde formulam proferat supra omnes simul.

1. Accipite habitum Ordinis SS. Trinitatis in fidei, spei, et charitatis augmentum; ut induatis novum hominem, qui secundum Deum creatus est in iustitia et sanctitate.

2. Accipite scapulare Passionis Domini nostri Iesu Christi, ut veterem hominem exuti novumque induti, ipsum digne perferatis, et ad vitam perveniatis sempiternam.

3. Accipite habitum Ordinis B. Mariae Virginis de Monte Carmelo, ut eius patrocinio ab omni errore et adversitate liberati, Domino fideliter serviatis.

4. Accipite scapulare devotorum B. M. V. sine labe conceptae, ut eius intercessione ab omni iniquitatem mundati, ad vitam perveniatis aeternam.

5. Accipite habitum Servorum B. M. V. septem Dolores eius devote recolentium, ut dolores ipsos

assidue recogitantes, Passionem D. N. I. C. in corde et corpore vestro impressam iugiter teneatis.

Ego, ex facultate apostolica mihi delegata, recipio vos in participationem bonorum spiritualium et indulgentiarum, quibus praedicti Ordines seu Congregationes pollent. In nomine † Patris, et Filii †, et Spiritus † Sancti. R. Amen.

¶. Salvos fac servos tuos,

R. Deus meus, sperantes in te.

¶. Mitte eis auxilium de Sancto,

R. Et de Sion tuere eos.

¶. Esto eis, Domine, turris fortitudinis,

R. A facie inimici.

¶. Nil proficiat inimicus in eis,

R. Et filius iniquitatis non apponat nocere eis.

¶. Domine, exaudi orationem meam, R. Et clamor meus ad te veniat.

¶. Dominus vobiscum, R. Et cum spiritu tuo.

OREMUS. — Adesto, Domine, supplicationibus nostris, et quibus in tuo nomine sacros habitus impusimus, ita bene † dicere digneris, ut tuae gratiae cooperantes, vitam consequi mereantur aeternam. Per Christum...

Benedictio Dei omnipotentis, † Patris, et † Filii, et Spiritus † Sancti descendat super vos et maneat semper. R. Amen.

Formula recitetur numero singulari, si uni tantum personae sint scapularia imponenda.

Benedictio Scapularis B. M. V. De Mercede.

QUANDO NON TRADITUR VEL IMPONITUR

Sacerdos indutus stola alba dicit:

- ℣. Adiutorium nostrum in nomine Domini,  
℟. Qui fecit coelum et terram.  
℣. Ostende nobis, Domine, misericordiam tuam,  
℟. Et salutare tuum da nobis.  
℣. Domine, exaudi orationem meam,  
℟. Et clamor meus ad te veniat.  
℣. Dominus vobiscum,  
℟. Et cum spiritu tuo.

OREMUS. — Domine Iesu Christe, qui tegumen nostrae mortalitatis induere dignatus es: obsecramus immensae largitatis tuae abundantiam; ut hoc genus vestimentorum, quod sancti Patres ad innocentiae et sanctitatis indicium ferre sanxerunt, ita benedicere digneris; ut qui hoc usus fuerit, te induere mereatur. Qui vivis, et regnas in saecula saeculorum. R. Amen.

OREMUS. — Pater misericordiarum et Deus totius consolationis, qui te maxime mirabilem et laudabilem praebes in gloriosissima Virgine Maria, unigeniti Filii tui Matre, qui nobis eam in misericordiae Matrem donasti, captivorum redemptricem effecisti, in ipsa que glorficari complaces: tuam supplices exoramus clementiam, ut super hoc signum (scapulare seu vestimentum), pro ipsis sanctissimae Virginis veneratione adaptatum, et super quanlibet ipsis partem, sacram tuam benedictionem benignus effun-

das; et praestes, ut qui eam devote colnerit, potentissimum Redemptricis supernae experiatur auxilium, tuamque misericordiam piissimam in praesenti et in futuro saeculo. Per eundem Christum Dominum nostrum. R. Amen.

OREMUS. — Clementissime Domine Deus, qui beatissimam Virginem Mariam, Filii tui felicissimam Matrem byssino splendenti et candido in aeternum fulgere fecisti; benedicere, quae sumus, velis album istud operimentum, in eiusdem Virginis Matris, captivorum auxiliaticis, honorem consecratum; ut qui veneretur devote, a malis omnibus sit liber, et superno byssino in coelis vestiri mereatur. Per eundem Christum Dominum nostrum. R. Amen.

Aspergatur aqua benedicta.

Alia benedictio habitus seu Scapularis

QUANDO TRADITUR VEL IMPONITUR.

- ℣. Ostende nobis, Domine, misericordiam tuam,  
℟. Et salutare tuum da nobis.  
℣. Dominus vobiscum, R. Et cum spiritu tuo.

OREMUS. — Domine Iesu Christe, qui tegumen nostrae mortalitatis induere dignatus es, obsecramus immensae largitatis tuae abundantiam: ut hunc habitum, quem sancti Patres ad innocentiae et sanctitatis indicium ferre sanxerunt, ita benedicere digneris, ut qui eo usus fuerit te induere mereatur. Qui vivis et regnas in saecula saeculorum. R. Amen.

Deinde aspergat habitum aqua benedicta, et postulanten induat dicens:

Ego auctoritate D. N. Iesu Christi, et Apostolorum Petri, et Pauli, et mihi ab Ordine commissa, do tibi habitum Religionis Beatae Mariae de Mercede propter devotionem quam geris ad Sacratissimam et Immaculatam Matrem Dei Mariam, et Ordinem, eius sub nomine fundatum, cum quo in praesenti gratiam Spiritus Sancti adipisci valeas, et in futuro saeculo gloriam aeternam, quae premium est electorum. In nomine Patris, et Filii, † et Spiritus Sancti. Amen.

Postea dicatur:

HYMNUS. — Veni, Creator Spiritus, etc.  
    ¶. Emitte Spiritum tuum, et creabuntur,  
    ¶. Et renovabis faciem terrae.  
    ¶. Salvum fac servum tuum, (*vel* ancillam tuam),  
    ¶. Deus meus sperantem in te.  
    ¶. Dominus vobiscum,  
    ¶. Et cum spiritu tuo.

OREMUS. — Adesto Domine supplicationibus nostris, et hunc famulum tuum (*vel* hanc famulam tuam) benedicere digneris, cui in tuo sancto nomine habitum sanctae Religionis Beatae Mariae de Mercede imponimus, quem ex devotione cupit portare, dum vitam duxerit in humanis: ut te largiente, et devotus (*vel* devota) in Ecclesia persistere, et vitam percipere mereatur aeternam. Per Christum Dominum nostrum. Amen.

*Deinde dici potest Ant.* Salve Regina etc. Sub tuum praesidium etc. Monstra te esse Matrem etc. ¶. Ora pro nobis Sancta Dei Genitrix, ¶. Ut digni efficiamur etc.

OREMUS. — Deus, qui per gloriosissimam Filii tui Matrem, ad liberandos Christifideles a potestate paganorum, nova Ecclesiam tuam prole amplificare dignatus es: praesta, quae sumus, ut quam pie veneramur tanti operis Institutricem, eius pariter meritis et intercessione, a peccatis omnibus et captivitate daemonis liberemur. Per eundem Christum Dominum nostrum. ¶. Amen.

Per intercessionem piissimam beatissimae Virginis Mariae Misericordiae et Mercedis Matris, captivorumque redemptricis, descendat super te benedictio coeli copiosa, ut sis benedictus (*vel* benedicta) ex hoc nunc et usque in saeculum. Benedictio Dei omnipotentis Patris, et Filii †, et Spiritus Sancti. ¶. Amen.

Benedictio rosariorum B. Mariae V.

(*Propria Ordinis Praedicatorum*).

¶. Adiutorium.... ¶. Qui fecit....  
¶. Domine, exaudi orationem meam, ¶. Et clamor meus ad te veniat.

¶. Dominus vobiscum, ¶. Et cum spiritu tuo.

OREMUS. — Omnipotens et misericors Deus, qui propter eximiam charitatem tuam, qua dilexisti nos, Filium tuum unigenitum, Dominum nostrum Iesum

Christum, de coelis in terram descendere, et de beatissimae Virginis Mariae Dominae nostrae utero sacratissimo, angelo nuntiante, carnem suscipere, crucemque ac mortem subire, et tertia die gloriose a mortuis resurgere voluisti, ut nos eriperes de potestate diaboli: obsecramus immensam clementiam tuam, ut (*hoc signum*) haec signa rosarii in honorem et laudem eiusdem Genitricis Filii tui ab Ecclesia tua fideli (*dicatum*) dicata bene + dicas et sanctifi-  
ces, (*eisque*) eisque tantam infundas virtutem Spiritus Sancti, ut quicumque horum quodlibet secum portaverit, atque in domo sua reverenter tenuerit, et in (*eo*) eis ad te, secundum huius sanctae Societas instituta, divina contemplando mysteria, devote oraverit, salubri et perseveranti devotione abundet, sitque consors et particeps omnium gratiarum, privilegiorum et indulgentiarum, quae eidem Societati per sanctam Sedem Apostolicam concessa fuerunt, ab omni hoste visibili et invisibili semper et ubique in hoc saeculo liberetur, et in exitu suo ab ipsa B. Virgine Dei Genitrice tibi plenus bonis operibus praesentari mereatur. Per eundem Dominum... R. Amen.

Deinde aspergantur aqua benedicta.

## Methodus pro erigendis stationibus Viae Crucis.

(*Propria Ordinis Minorum Observantium S. Francisci*).

Sacerdos superpelliceo et stola violacei coloris induitus, uno saltem clero adhibito, qui ei opportuno tempore porrigitur possit vasculum aquae benedictae cum aspersorio et

thuribulum cum incensi navicula, ascendit altare, ibique stans, brevi sermone super praestantia et utilitate pii exercitii Viae Crucis populum alloquetur. Deinde genuflexus in infimo gradu intonabit Hymnum:

Veni, Creator Spiritus,  
Mentes tuorum visita,  
Imple superna gratia  
Quae tu creasti pectora.  
Qui diceris Paraclitus,  
Altissimi donum Dei,  
Fons vivus, ignis, charitas,  
Et spiritualis unctio.  
Tu septiformis munere,  
Digitus Paternae dexteræ,  
Tu rite promissum Patris,  
Sermone ditans guttura.

Accende lumen sensibus,  
Infunde amorem cordibus,  
Infirma nostri corporis  
Virtute firmans perpeti.  
Hostem repellas longius,  
Pacemque dones protinus:  
Ductore sic te praevio  
Vitemus omne noxiū.  
Per te sciamus da Patrem,  
Noscamus atque Filium,  
Teque utriusque Spiritum  
Credamus omni tempore.

Deo Patri sit gloria,  
Eiusque soli Filio,  
Cum Spiritu Paraclito,  
Nunc et per omne saeculum. Amen.

Tempore Paschali:

Deo Patri sit gloria,  
Et Filio, qui a mortuis  
Surrexit, ac Paraclito,  
In saeculorum saecula. Amen.  
¶. Emitte Spiritum tuum, et creabuntur,  
¶. Et renovabis faciem terrae.

OREMUS. — Deus, qui corda fidelium sancti Spiritus illustratione docuisti: da nobis in eodem Spiritu recta sapere, et de eius semper consolatione gaudere.

Defende, quaesumus, Domine, beata Maria semper Virgine intercedente, populum istum (*vel familiam istam*) ab omni adversitate, et toto corde tibi

prostratum (*vel prostratam*) ab hostium propitius  
tuere clementer insidiis.

Actiones nostras, quaesumus, Domine, aspirando  
praeveni et adiuvando prosequere, ut cuncta nostra  
oratio et operatio a te semper incipiat et per te  
coepita finiatur. Per Dominum nostrum... R. Amen.

**Benedictio tabularum pictarum (si adsunt).**

¶. Adiutorium.... R. Qui fecit....

¶. Dominus vobiscum. R. Et cum spiritu tuo.

**OREMUS.** — Omnipotens sempiterne Deus, qui Sanctorum tuorum imagines sculpi aut pingi non reprobas, ut quoties illas oculis corporis intuemur, toties eorum actus et sanctitatem ad imitandum memoriae oculis meditemur: has, quaesumus, imagines in honorem et memoriam unigeniti Filii tui Domini nostri Iesu Christi adaptatas bene † dicere et sancti † dicare digneris; et praesta, ut quicumque coram illis unigenitum Filium tuum suppliciter colere et honorare studuerit, illius meritis et obtentu a te gratiam in praesenti et aeternam gloriam obtineat in futuro. Per eumdem Christum Dominum.... R. Amen.

Tunc sacerdos eas aspergit aqua benedicta et incensat.  
In Oratorio privato omitti potest incensatio.

**Benedictio crucium (quae ex ligno esse debent).**

¶. Adiutorium.... R. Qui fecit....

¶. Dominus vobiscum. R. Et cum spiritu tuo.

**OREMUS.** — Rogamus te, Domine sancte, Pater  
omnipotens, sempiterne Deus, ut digneris bene † di-

cere haec signa crucis tuae, ut sint remedia salutaria generi humano; sint soliditas fidei, bonorum operum profectus, et redemptio animarum; sint solamen et protectio ac tutela contra saeva iacula inimicorum. Per Christum Dominum nostrum. R. Amen.

**OREMUS.** — Bene † dic, Domine, has cruces, quia per crucem sanctam tuam eripuisti mundum a potestate daemonum et superasti Passione tua suggestorem peccati, qui gaudebat in praevaricatione primi hominis per ligni vetiti sumptionem.

Tunc sacerdos eas aspergens dicat:

Sanctificantur ista crucis signa in nomine Patris †,  
et Filii †, et Spiritus † Sancti, ut orantes inclinantesque se propter Deum ante estas cruces inveniant sanitatem animae et corporis. Per Christum.... R. Amen.

Deinde cantatur sequens Hymnus:

Vexilla Regis prodeunt,	Arbor decora et fulgida,
Fulget Crucis mysterium,	Ornata Regis purpura,
Qua vita mortem pertulit,	Electa digno stipite
Et morte vitam protulit.	Tam sancta membra tangere.
Quae vulnerata lanceae	Beata, cuius brachii
Mucrone diro, criminum	Pretium pependit saeculi,
Ut nos lavaret sordibus,	Statera facta corporis,
Manavit unda et sanguine.	Tulitque praedam tartari.

Impleta sunt, quae concinit	O Crux, ave, spes unica,
David fideli carmine,	Hoc Passionis tempore <sup>1)</sup> ,
Dicendo nationibus:	Piis adauge gratiam,
Regnavit a ligno Deus.	Reisque dele crimina.

1) Loco versus: *Hoc Passionis tempore*, qui dicitur tempore Passionis, tempore paschali dicitur: *Paschale quae fers gaudium*; alio tempore: *In hac triumphi gloria*.

Te, fons salutis, Trinitas,  
Collaudet omnis spiritus:  
Quibus Crucis victoriam  
Largiris, adde praemium. Amen.

HYMNUS.

Stabat Mater dolorosa,  
Iuxta crux lacrymosa,  
Dum pendebat Filius;  
Cuius animam gementem,  
Contristatam et dolentem,  
Pertransivit gladius.  
O quam tristis et afflita  
Fuit illa benedicta  
Mater Unigeniti!  
Quae moerebat, et dolebat,  
Pia Mater, dum videbat  
Nati poenas incliti.  
Quis est homo qui non fleret,  
Matrem Christi si videret  
In tanto suppicio?

Quis non posset contristari;  
Christi Matrem contemplari  
Dolentem cum Filio?  
Pro peccatis suae gentis  
Vidit Iesum in tormentis  
Et flagellis subditum.  
Vidit suum dulcem Natum  
Moriendo desolatum,  
Dum emisit spiritum.  
Eia Mater, fons amoris,  
Me sentire vim doloris  
Fac, ut tecum lugeam.  
Fac, ut ardeat cor meum  
In amando Christum Deum,  
Ut sibi complaceam. Amen.

Sacerdos accedens ad locum primae stationis, osculatur  
crucem et tabulam, easque vel per se, vel per laicum decenti  
habitu indutum, collocat in loco ad id praeparato; deinde  
legit meditationem et preces huic stationi respondentes;  
quod et fieri in ceteris stationibus. Quibus finitis cantatur  
Hymnus *Te Deum*, cum versiculo *Benedicamus Patrem* etc.,  
oratione *Deus, cuius misericordiae* etc.  
Tunc sacerdos benedit populum cum cruce.

INDEX

PROEMIUM. . . . .	pag.	v
-------------------	------	---

PARS PRIMA

DE INDULGENTIIS IN GENERE

CAPUT I. De conceptu indulgentiae . . . . .	1
ART. I. De conceptu indulgentiae pro vivis. ,	"
ART. II. De conceptu indulgentiae pro defunctis . . . . .	5
CAPUT II. De divisione. . . . .	8
CAPUT III. De concedente seu faciente indulgentias. ,	10
ART. I. De natura potestatis faciendi indulgentias. . . . .	11
ART. II. De subiecto potestatis . . . . .	14
§ 1. De subiecto iuxta ius divinum . . . . .	"
§ 2. De subiecto iuxta ius ecclesiasticum. ,	16
De Romano Pontifice. . . . .	"
De Inferioribus Papa. . . . .	20
1. De Inferioribus Papa in communi. ,	"
2. De Inferioribus Papa in particulari. ,	23
1. De iis qui habent potestatem ordinariam . . . . .	24
De Episcopis . . . . .	"
De S. R. E. Cardinalibus. . . . .	28
De Patriarchis et Primatibus . . . . .	30
De Archiepiscopis . . . . .	"